

License Information

Study Notes (Biblica) (Swahili) is based on: Biblica Study Notes, [Biblica Inc.](#), 2023, which is licensed under a [CC BY-SA 4.0 license](#).

This PDF version is provided under the same license.

Study Notes (Biblica)

3 Yohana 1:1-15

Yohana alijiita mzee. Huenda alikuwa akizungumzia umri wake au kuhusu kuwa mzee wa kanisa.

Alijawa na furaha kwa sababu maisha ya kiroho ya rafiki yake Gayo yalikuwa yanaenda vizuri. Hii ilimaanisha kwamba Gayo alikuwa anamfuata Yesu kwa uaminifu.

Kwenye 1 Yohana 3:18 Yohana aliandika kuhusu waumini kuweka imani na upendo wao katika vitendo. Gayo alifanya hivyo kwa kuwakaribisha na kuwasaidia waumini waliokuwa wakisafiri. Kwa njia hii aliwasaidia watu waliokuwa wakieneza habari njema kuhusu Yesu.

Hii ilikuwa tofauti sana na kile mtu aliyeitwa Deotrefe alifanya. Deotrefe alitawala wengine katika kanisa. Hii ilikwenda kinyume na maagizo ya Petro kwa viongozi wa kanisa (1 Petro 5:3).

Deotrefe alisema uwongo kuhusu Yohana. Yohana alipanga kuzungumza na Deotrefe kuhusu kile alichokuwa akifanya vibaya. Mpango wake ulikubaliana na kile Paulo alifundisha kuhusu kusahihisha viongozi wa kanisa katika 1 Timotheo 5:20.

Yohana alitaka Gayo kuepuka kufanya uovu na badala yake afanye mema. Demetrio alikuwa mfano wa muumini aliyefanya mema. Alikuwa mwaminifu kwa ukweli kuhusu Yesu.